



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-29347-6/23  
Sarajevo, 22.06.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), Vlada Kantona Sarajevo, na 14. sjednici održanoj **22.06.2023.** godine, donijela je

## ZAKLJUČAK

1. Utvrđuje se Prijedlog Odluke o davanju saglasnosti za osnivanje Javne ustanove „Memorijalni centar Sarajevo“.
2. Predlaže se Skupštini Kantona Sarajevo da donese Odluku iz tačke 1. ovog zaključka, u skladu sa članom 117. Poslovnika o radu Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22).

**PREMIJER**

**Nihad Uk**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za boračka pitanja Kantona Sarajevo,
6. Javna ustanova “Fond Memorijala Kantona Sarajevo” (putem Ministarstva za boračka pitanja Kantona Sarajevo),
7. Evidencija,
8. Arhiva.

Na osnovu člana 12. tačka e) i člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama („Službeni list RBiH“, br. 6/92, 8/93 i 13/94), a u vezi sa čl. 48. i 49. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, broj 31/22), Skupština Kantona Sarajevo na sjednici održanoj dana \_\_\_\_\_2023. godine *donijela je*

## **PRIJEDLOG**

### **O D L U K U**

## **O OSNIVANJU JAVNE USTANOVE “MEMORIJALNI CENTAR SARAJEVO“**

### **DIO PRVI – UVODNI DIO**

#### **Član 1.**

##### **(Osnivanje javne ustanove)**

- (1) Ovom odlukom osniva se Javna ustanova “Memorijalni centar Sarajevo” kao javna ustanova.
- (2) Osnivač Javne ustanove “Memorijalni centar Sarajevo” je Skupština Kantona Sarajevo (u daljnjem tekstu: Osnivač).

#### **Član 2.**

##### **(Naziv i sjedište)**

- (1) Naziv javne ustanove je Javna ustanova “Memorijalni centar Sarajevo” (u daljnjem tekstu: Memorijalni centar Sarajevo).
- (2) Skraćeni naziv je Memorijalni centar Sarajevo.
- (3) Sjedište Memorijalnog centra Sarajevo je u Sarajevu, ulica Širokac 22, Kovači.

#### **Član 3.**

##### **(Status pravnog lica)**

Memorijalni centar Sarajevo ima svojstvo pravnog lica i upisuje se u sudski registar kod nadležnog suda u Sarajevu.

#### **Član 4.**

##### **(Djelatnost)**

Djelatnost Memorijalnog centra Sarajevo je:

- a) izgradnja, uređenje i održavanje memorijalnih centara, spomen kompleksa, grobalja šehida i poginulih boraca pripadnika Oružanih snaga RBiH i spomen - obilježja žrtava genocida;
- b) pružanje obrazovnih, kulturnih i drugih društvenih usluga, osim obaveznog socijalnog osiguranja;
- c) prikupljanje, evidentiranje, preuzimanje i čuvanje muzejskog materijala;
- d) obezbjeđenje korištenja muzejskog materijala u kulturne, naučne, odgojno-obrazovne i druge svrhe putem njegovog prezentiranja u okviru stalnih ili povremenih izložbi;
- e) očuvanje i rekonstrukcija historijskih mjesta i građevina te sličnih mjesta za posjetioce iz perioda odbrambeno-oslobodilačkog rata 1992-1995, narodno-oslobodilačkog rata 1941-1945 i antifašizma;
- f) ratni turizam iz perioda odbrambeno-oslobodilačkog rata 1992-1995 u kulturne, naučne, odgojno-obrazovne i druge svrhe;
- g) sufinansiranje pripreme, izdavanja, otkupa i promocije publikacija, audio i video zapisa, knjiga i naučnih radova iz perioda odbrambeno-oslobodilačkog

rata 1992-1995 i narodno-oslobodilačkog rata 1941-1945. u skladu sa kriterijima utvrđenim Pravilima Memorijalnog centra Sarajevo;

- h) prikupljanje, evidentiranje, preuzimanje i čuvanje arhivske građe od posebnog značaja za odbrambeno-oslobodilački rat 1992-1995 i narodno-oslobodilački rat 1941-1945;
- i) bavljenje naučnoistraživačkim radom, u skladu sa pozitivnim propisima;
- j) prikupljanje, stručna obrada, čuvanje, obnavljanje i obezbjeđivanje efikasnog korištenja bibliotečke građe sa posebnim fokusom na periode odbrambeno-oslobodilačkog rata 1992-1995 i narodno-oslobodilačkog rata 1941-1945;
- k) sufinansiranje izgradnje spomen-obilježja i restauracija postojećih spomen-obilježja iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945, u skladu sa prioritetima utvrđenim Pravilima Memorijalnog centra Sarajevo;
- l) rad trgovine na malo suvenira i rukotvorina;
- m) vršenje i drugih stručnih poslova utvrđenih zakonom i drugim propisima, odlukama Vlade Kantona Sarajevo (u daljnjem tekstu: Vlada) i Osnivača.

#### **Član 5. (Šifre djelatnosti)**

Šifre djelatnosti Memorijalnog centra Sarajevo utvrđuju se prema Odluci o klasifikaciji djelatnosti BiH 2010 ("Službeni glasnik BiH", broj 47/10) i to kako slijedi:

- 81.30. – Uslužne djelatnosti uređenja i održavanja zelenih površina;
- 84.12. – Reguliranje djelatnosti javnih subjekata koji pružaju zdravstvenu zaštitu, usluge u obrazovanju i kulturi i druge društvene usluge, osim obaveznog socijalnog osiguranja;
- 91.02. - Djelatnost muzeja;
- 91.03 - Rad historijskih mjesta i građevina te sličnih znamenitosti za posjetioce;
- 58.11 – Izdavanje knjiga;
- 58.14 – Izdavanje časopisa i periodičnih publikacija;
- 91.01 - Djelatnost biblioteka i arhiva;
- 72.20 - Istraživanje i eksperimentalni razvoj u društvenim i humanističkim naukama;
- 47.78. - Ostala trgovina na malo novom robom u specijaliziranim prodavnicama.

#### **Član 6. (Pravila Memorijalnog centra Sarajevo)**

- (1) Pravila su osnovni opći akt Memorijalnog centra Sarajevo koje donosi Upravni odbor uz saglasnost Osnivača.
- (2) Pravilima Memorijalnog centra Sarajevo uređuju se osnovna pitanja vezana za rad Memorijalnog centra Sarajevo i to kako slijedi:
  - a) naziv i sjedište Osnivača;
  - b) naziv i sjedište Memorijalnog centra Sarajevo;
  - c) djelatnost Memorijalnog centra Sarajevo;
  - d) izvori i načini obezbjeđivanja sredstava za rad Memorijalnog centra Sarajevo;
  - e) način raspolaganja viškom prihoda nad rashodima i način na koji se pokriva višak rashoda nad приходima;
  - f) prava i obaveze Osnivača u pogledu obavljanja djelatnosti zbog koje je Memorijalni centar Sarajevo osnovan;
  - g) međusobna prava i obaveze Memorijalnog centra Sarajevo i Osnivača;

- h) imenovanje direktora i organa upravljanja Memorijalnog centra Sarajevo;
- i) stručna tijela Memorijalnog centra Sarajevo, mandat članova stručnih tijela, način izbora i finansiranje;
- j) lice koje će do imenovanja direktora Memorijalnog centra Sarajevo obavljati poslove i vršiti ovlaštenje direktora;
- k) kriteriji za sufinansiranje pripreme, izdavanja, otkupa i promocije publikacija, audio i video zapisa, knjiga i naučnih radova iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945;
- l) prioriteti za sufinansiranje izgradnje spomen-obilježja i rekonstrukcije postojećih spomen-obilježja iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945;
- m) druga pitanja od značaja za rad Memorijalnog centra Sarajevo utvrđena zakonom i drugim propisima.

#### **Član 7.**

##### **(Statusne promjene i promjena djelatnosti)**

Memorijalni centar Sarajevo ne može vršiti bilo kakve statusne promjene bez saglasnosti Osnivača.

#### **Član 8.**

##### **(Prava i obaveze Memorijalnog centra Sarajevo)**

- (1) Danom stupanja na snagu ove odluke, Memorijalni centar Sarajevo zadržava objekte i opremu na korištenje, radnike, kao i sva prava i obaveze Javne ustanove "Fond Memorijala Kantona Sarajevo".
- (2) Objekti i oprema iz stava (1) ovog člana su svojina Osnivača.

#### **Član 9.**

##### **(Upravljanje)**

Memorijalnom centru Sarajevo se povjerava na upravljanje:

- a) Memorijalni kompleks Kovači koji je proglašen područjem od javnog interesa za Kantona Sarajevo – Odluka Osnivača, broj: 01-05-19774/10 od 21.07.2010. godine ("Službene novine Kantona Sarajevo", broj 21/10).
- b) Spomenički kompleks "Tunel Dobrinja - Butmir" koji je proglašen zaštićenim dobrom baštine II kategorije – Odluka Osnivača, broj: 01-05-16576/15 od 27.05.2015. godine ("Službene novine Kantona Sarajevo", broj 21/15) i Zaključak Vlade, broj: 02-05-13250-21/12 od 20.04.2012. godine i
- c) KON-TIKI ("kod Sonje") koji se daje na upravljanje, izgradnju, održavanje, zaštitu i privođenje namjeni – Zaključak Vlade, broj: 02-04-1352-23/23 od 19.01.2023. godine.

#### **Član 10.**

##### **(Korištenje prostora)**

Memorijalnom centru Sarajevo se povjerava na korištenje, zaštitu i održavanje Ratna džamija na planini Igman koja je proglašena dobrom baštine – Odluka Osnivača, broj: 01-05-24636/11 od 05.09.2011. godine ("Službene novine Kantona Sarajevo", broj 22/11).

#### **Član 11.**

##### **(Sredstva rada)**

Sredstava za rad i razvoj Memorijalni centar Sarajevo ostvaruje:

- a) iz sredstava Osnivača.

- b) iz sredstava budžeta Federacije Bosne i Hercegovine, kantona, odnosno jedinica lokalne samouprave,
- c) iz vlastitih sredstava Memorijalnog centra Sarajevo,
- d) iz donacija,
- e) iz legata, poklona, zavještanja,
- f) iz drugih izvora na način i pod uvjetima određenim zakonom i Pravilima Memorijalnog centra Sarajevo.

#### **Član 12.**

##### **(Prihodi i rashodi)**

Pravilima Memorijalnog centra Sarajevo reguliše se način raspolaganja viškom prihoda nad rashodima kao i način na koji se pokriva višak rashoda nad prihodima.

#### **Član 13.**

##### **(Način raspolaganja sredstvima)**

Memorijalni centar Sarajevo raspolaže sredstvima u skladu sa Zakonom o izvršenju Budžeta Kantona Sarajevo i drugim zakonskim i podzakonskim aktima.

#### **Član 14.**

##### **(Finansijsko poslovanje)**

Finansijsko poslovanje Memorijalnog centra Sarajevo vrši se u skladu sa propisima koji regulišu trezorsko poslovanje.

#### **Član 15.**

##### **(Pravni poslovi)**

Memorijalni centar Sarajevo ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

#### **Član 16.**

##### **(Prava radnika)**

Radnici Memorijalnog centra Sarajevo ostvaruju svoja prava u skladu sa Zakonom o radu ("Službene novine Federacije Bosne i Hercegovine", br. 26/16, 89/18 i 44/22), Pravilima Memorijalnog centra Sarajevo i kolektivnim ugovorom i drugim pojedinačnim i općim aktima Memorijalnog centra Sarajevo.

#### **Član 17.**

##### **(Odgovornost za obaveze)**

Memorijalni centar Sarajevo je odgovoran za svoje obaveze imovinom kojom raspolaže - potpuna odgovornost.

### **DIO DRUGI – ODGOVORNOST I OBAVEZE MEMORIJALNOG CENTRA SARAJEVO PREMA OSNIVAČU**

#### **Član 18.**

##### **(Odgovornosti i obaveze prema Osnivaču i Vladi)**

- (1) Memorijalni centar Sarajevo je odgovoran Osnivaču za rezultate svoga rada i djelovanja u svim oblastima za koje je nadležan.
- (2) Obaveze Memorijalnog centra Sarajevo prema Osnivaču su:
  - a) da pribavi saglasnost Osnivača kod svih statusnih promjena Memorijalnog centra Sarajevo;
  - b) da pribavi saglasnost Osnivača kod donošenja Pravila Memorijalnog centra Sarajevo;
  - c) da pribavi saglasnost Osnivača kod godišnjeg programa rada sa finansijskim planom;

- d) da najmanje jednom godišnje podnosi Osnivaču izvještaj o radu i finansijskom poslovanju Memorijalnog centra Sarajevo, koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora;
- e) da pribavi saglasnost Osnivača kod proširenja i promjene djelatnosti Memorijalnog centra Sarajevo;
- f) da pribavi saglasnost Vlade, a na prijedlog Ministarstva za boračka pitanja Kantona Sarajevo (u daljnjem tekstu: Ministarstvo) u postupku donošenja Pravilnika o unutrašnjoj organizaciji i sistematizaciji radnih mjesta;
- g) druge obaveze utvrđene zakonom i drugim propisima.

## **DIO TREĆI – ORGANI UPRAVLJANJA, RUKOVOĐENJA I KONTROLE POSLOVANJA**

### **Član 19.**

#### **(Upravni odbor)**

- (1) Organ upravljanja u Memorijalnom centru Sarajevo je Upravni odbor.
- (2) Djelokrug Upravnog odbora je:
  - a) donošenje Pravila Memorijalnog centra Sarajevo;
  - b) imenovanje i razrješenje direktora odnosno v.d. direktora Memorijalnog centra Sarajevo;
  - c) utvrđivanje planova rada i razvoja Memorijalnog centra Sarajevo;
  - d) utvrđivanje godišnjeg programa rada;
  - e) donošenje finansijskog plana i usvajanje godišnjeg obračuna;
  - f) donošenje općih akata o unutrašnjem uređenju i sistematizaciji radnih mjesta i drugih općih akata, u skladu sa zakonom i Pravilima Memorijalnog centra Sarajevo;
  - g) odlučivanje o svim pitanjima obavljanja djelatnosti radi kojih je Memorijalni centar Sarajevo osnovan, ako zakonom nije određeno da o određenim pitanjima odlučuje drugi organ Memorijalnog centra Sarajevo;
  - h) usmjeravanje, kontrolisanje i ocjenjivanje rada Memorijalnog centra Sarajevo;
  - i) rješavanje svih pitanja odnosa sa Osnivačem;
  - j) odlučivanje o korišćenju sredstava preko iznosa utvrđenog Pravilima Memorijalnog centra Sarajevo;
  - k) odgovornost Osnivaču za rezultate rada Memorijalnog centra Sarajevo;
  - l) odlučivanje o prigovoru radnika na akte kojim je direktor odlučio o pravu, obavezi i odgovornosti radnika iz radnog odnosa i odlučivanje o prigovorima kandidata po raspisanom javnom oglasu za prijem u radni odnos;
  - m) podnošenje Osnivaču najmanje jedanput godišnje izvještaja o poslovanju Memorijalnog centra Sarajevo;
  - n) redovno dostavljanje Ministarstvu zapisnika sa održanih sjednica Upravnog odbora;
  - o) obavljanje i drugih poslova u skladu sa zakonom i Pravilima Memorijalnog centra Sarajevo.
- (3) Predsjednika i članove Upravnog odbora imenuje i razrješava Vlada na prijedlog Ministarstva, uz ravnopravnu zastupljenost oba spola, na način i u skladu sa zakonom.
- (4) Upravni odbor ima pet članova i čine ga predstavnici:
  - a) Osnivača - četiri člana, od kojih je jedan ispred Ministarstva,
  - b) stručnih radnika Memorijalnog centra Sarajevo - jedan član.

- (5) Mandat predsjednika i članova Upravnog odbora traje četiri godine i mogu biti ponovo imenovani.
- (6) Predsjednik i članovi Upravnog odbora Memorijalnog centra Sarajevo imenuju se po proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13).
- (7) Način izbora predsjednika i članova Upravnog odbora Memorijalnog centra Sarajevo, vrši se u skladu sa standardima i kriterijima za imenovanje članova Upravnog odbora koji će se utvrditi posebnom odlukom Vlade.
- (8) Predsjednik i članovi aktuelnog saziva Upravnog odbora, stupanjem na snagu ove odluke, nastavljaju sa radom do isteka mandata na koji su imenovani.

## **Član 20.**

### **(Direktor)**

- (1) Organ rukovođenja u Memorijalnom centru Sarajevo je direktor, koji organizira i vodi poslovanje, predstavlja i zastupa Memorijalni centar Sarajevo i odgovoran je za zakonitost rada Memorijalnog centra Sarajevo.
- (2) Direktor Memorijalnog centra Sarajevo ( u daljnjem tekstu: direktor) imenuje se na osnovu javnog konkursa, u skladu sa Zakonom o ustanovama ("Službeni list R BiH", br. 6/92, 8/93 i 13/94) (u daljnjem tekstu: Zakon o ustanovama).
- (3) Direktora imenuje i razrješava Upravni odbor uz saglasnost Vlade, na način i u skladu sa Zakonom o ustanovama i Pravilima Memorijalnog centra Sarajevo.
- (4) Uvjeti za imenovanje direktora utvrđuju se zakonom i Pravilima Memorijalnog centra Sarajevo.
- (5) Direktor se može razriješiti i prije isteka mandata na koji je imenovan u slučajevima propisanim Zakonom o ustanovama i Pravilima Memorijalnog centra Sarajevo, kao i u slučajevima iz člana 22. stav (1) ove odluke.
- (6) Direktor ne može biti član Upravnog odbora.
- (7) Direktor može prisustvovati sjednicama Upravnog odbora.
- (8) Mandat direktora traje četiri godine.
- (9) Po isteku mandata, isto lice može, na osnovu javnog konkursa, ponovo biti imenovano za direktora Memorijalnog centra Sarajevo, ali najviše za još jedan mandatni period.
- (10) Ukoliko direktor Memorijalnog centra Sarajevo nije imenovan u skladu sa zakonom u roku od 60 dana od isteka konkursnog roka, kao i drugim slučajevima prestanka mandata direktora, odluku o postavljanju vršioca dužnosti direktora donosi Upravni odbor, najduže na period do šest mjeseci, a u skladu sa Zakonom o ustanovama i Pravilima Memorijalnog centra Sarajevo.

## **Član 21.**

### **(Nadzorni odbor)**

- (1) Organ kontrole poslovanja u Memorijalnom centru Sarajevo je Nadzorni odbor.
- (2) Djelokrug Nadzornog odbora je da:
  - a) analizira izvještaj o poslovanju Memorijalnog centra Sarajevo;
  - b) u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun;
  - c) pregleda i provjerava urednost i zakonitost vođenja poslovnih knjiga;
  - d) izvještava Osnivača, Upravni odbor i direktora o rezultatima nadzora.
- (3) Predsjednika i članove Nadzornog odbora imenuje i razrješava Vlada, na prijedlog Ministarstva, uz ravnopravnu zastupljenost oba spola, na način i u skladu sa zakonom i drugim propisima.

- (4) Nadzorni odbor ima tri člana od kojih se jedan imenuje iz reda stručnih radnika zaposlenih u Memorijalnom centru Sarajevo.
- (5) Mandat predsjednika i članova Nadzornog odbora traje četiri godine i mogu biti ponovo imenovani.
- (6) Predsjednik i članovi Nadzornog odbora Memorijalnog centra Sarajevo imenuju se po proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13).
- (7) Način izbora predsjednika i članova Nadzornog odbora Memorijalnog centra Sarajevo, vrši se u skladu sa standardima i kriterijima za imenovanje članova Nadzornog odbora koji će se utvrditi posebnom odlukom Vlade.
- (8) Predsjednik i članovi aktuelnog saziva Nadzornog odbora, stupanjem na snagu ove odluke, nastavljaju sa radom do isteka mandata na koji su imenovani.

#### **Član 22.**

##### **(Slučajevi razrješenja)**

- (1) Vlada razrješava predsjednike i članove Upravnog i Nadzornog odbora Memorijalnog centra Sarajevo i prije isteka mandata na koji su imenovani u sljedećim slučajevima:
  - a) ako utvrdi da su odgovorni za neuspješan ili nezakonit rad Memorijalnog centra Sarajevo.
  - b) ako je Memorijalni centar Sarajevo poslovaao sa gubitkom dvije godine uzastopno.
  - c) na njihov lični zahtjev.
  - d) ako Osnivač ne usvoji godišnji izvještaj o radu i finansijskom poslovanju Memorijalnog centra Sarajevo.
  - e) u drugim slučajevima utvrđenim zakonom i Pravilima Memorijalnog centra Sarajevo.
- (2) Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao postupak i način razrješenja predsjednika i članova Upravnog i Nadzornog odbora Memorijalnog centra Sarajevo i direktora, precizira se Pravilima Memorijalnog centra Sarajevo.

### **DIO ČETVRTI – PRELAZNE I ZAVRŠNE ODREDBE**

#### **Član 23.**

##### **(Obaveza donošenja Pravila)**

Upravni odbor je obavezan da, u roku od tri mjeseca od dana stupanja na snagu ove odluke, donese Pravila Memorijalnog centra Sarajevo u skladu sa zakonom i ovom odlukom.

#### **Član 24.**

##### **(Nadzor)**

Nadzor nad zakonitošću rada Memorijalnog centra Sarajevo vrši Ministarstvo.

#### **Član 25.**

##### **(Upis u sudski registar)**

Memorijalni centar Sarajevo je obavezan da u roku 30 dana od dana stupanja na snagu ove odluke podnese prijavu radi upisa Memorijalnog centra Sarajevo u sudski registar koji se vodi kod Općinskog suda u Sarajevu.



## **Član 26.**

### **(Prelazne odredbe)**

- (1) Memorijalni centar Sarajevo je pravni sljedbenik Javne ustanove "Fond Memorijala Kantona Sarajevo" osnovane Odlukom o osnivanju Javne ustanove "Fond Memorijala Kantona Sarajevo" ("Službene novine Kantona Sarajevo", br. 28/18 i 11/19) te u tom svojstvu preuzima radnike, arhivu, dokumentaciju, poslove i sredstva za rad, odnosno sva prava i obaveze koja je Javna ustanova "Fond Memorijala Kantona Sarajevo" imala nakon okončanja postupka upisa u sudski registar.
- (2) Nakon okončanja postupka upisa u sudski registar, Memorijalni centar Sarajevo nastavlja sa radom i novim djelokrugom rada i nazivom.
- (3) Nakon okončanja postupka upisa u sudski registar, direktor i drugi radnici Memorijalnog Centra Sarajevo nastavljaju obavljati svoje poslove i zadatke, u skladu sa ugovorom o radu, koji je neophodno uskladiti sa odredbama ove odluke.
- (4) Nakon okončanja postupka upisa u sudski registar direktor Javne ustanove "Fond Memorijala Kantona Sarajevo" nastavlja obavljati poslove direktora Memorijalnog centra Sarajevo, kao javne ustanove.
- (5) U roku od šest mjeseci od dana upisa u sudski registar, direktor Memorijalnog centra Sarajevo će sa radnicima zaključiti ugovore o radu, uskladene sa odredbama ove odluke.

## **Član 27.**

### **(Prestanak važenja ranijeg propisa)**

Stupanjem na snagu ove odluke, prestaje da važi Odluka o osnivanju Javne ustanove "Fond Memorijala Kantona Sarajevo" ("Službene novine Kantona Sarajevo", br. 28/18 i 11/19).

## **Član 28.**

### **(Stupanje na snagu)**

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj:  
Sarajevo, \_\_\_\_\_ 2023. godine

Predsjedavajući Skupštine Kantona Sarajevo

Elvedin Okerić

## OBRAZLOŽENJE

### I- PRAVNI OSNOV

Pravni osnov za donošenje Odluke o osnivanju Javne ustanove "Memorijalni centar Sarajevo" sadržan je u odredbama člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službene novine R BiH", br. 6/92, 8/93 i 13/94), a u vezi sa čl. 48. i 49. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo", broj 31/22).

### II - RAZLOZI ZA DONOŠENJE

Javnoj ustanovi "Fond Memorijala Kantona Sarajevo" na upravljanje su do danas povjereni Memorijalni kompleks Kovači, Spomenički kompleks "Tunel D-B" i povjerena joj je na korištenje, zaštitu i održavanje Ratna džamija na planini Igman, a u budućnosti razradom ove skupštinske odluke očekuje se povjeravanje Javnoj ustanovi "Fond Memorijala Kantona Sarajevo" i Spomen-obilježja - Muzej opsade i odbrane Sarajevo 1992.-1995. godine i značajna uloga u realizaciji Memorijalnog centra Žuč.

Završetkom aktivnosti na rješavanju imovinsko-pravnih odnosa i otkupa objekta Kontiki ("kod Sonje"), kao jednog od podprojekata odluke „Opsada i odbrana Sarajeva 1992.-1995. godine”, nužno je bilo kao jednom od nosilaca aktivnosti realizacije ovog podprojekta imenovati Javnu ustanovu "Fond Memorijala Kantona Sarajevo" kao subjekat koji će upravljati ovim spomen-obilježjem. Riječ je o objektu koji se narednom odlukom definiira kao Muzej stradanja građana BiH, koji bi podsjećao na događanja u periodu 1992.-1995. godina. Obzirom da je zaključkom Vlade Kantona Sarajevo došlo do preuzimanja ovog objekta od strane Javne ustanove "Fond Memorijala Kantona Sarajevo", nužno je izmijeniti odluku o osnivanju u ovom dijelu.

Obzirom na navedeno i na obuhvat spomeničkih kompleksa, muzeja, spomen-obilježja, koji su proglašeni od posebnog interesa za Kanton Sarajevo, a neki su proglašeni i dobrom baštine, smatramo da naziv ustanove Fond Memorijala treba prerasti svojim nazivom u "Memorijalni centar Sarajevo". Naime, shodno dinamici društvenih procesa u savremenom bosanskohercegovačkom društvu i analizi stanja na terenu smatramo neophodnim i za društvenu zajednicu značajno povoljnijim promjenu imena Javna ustanova "Fond Memorijala Kantona Sarajevo" u Javna ustanova "Memorijalni centar Sarajevo". Kultura sjećanja i memorijalizacija su iznimno važne stavke djelatnosti Javne ustanove "Fond Memorijala Kantona Sarajevo" te smatramo da će one kroz adekvatnu promociju Memorijalnog centra Sarajevo zauzeti značajnije mjesto i biti značajno vidljiviji ukoliko pojam Memorijal bude bazni pojam s kojim će se identificirati većinsko stanovništvo kako Kantona Sarajevo tako i cijele Bosne i Hercegovine.

Nadalje, bilo je potrebno u samom tekstu odluke proširiti djelatnost Memorijalnog centra Sarajevo i uvesti bibliotečku djelatnost, djelatnost arhiva i djelatnosti naučno-istraživačkog rada u društvenim i humanističkim naukama. Fond Memorijala posjeduje

jedan već respektabilan knjižni fond na teme vezane sa kulturom sjećanja i pamćenja na protekli rat, te ima intenciju proširiti ovaj fond knjiga koji bi bio baza literature za daljnja naučna istraživanja. Sa ciljem da se ne zaboravi, Muzej stradanja Sarajevo ima namjeru postati jedan od prepoznatih u svijetu obrazovanja, nauke i naučnih istraživanja, a sve na bazi već prikupljene naučne građe, eksponata, svjedočenja zločinima i dijela arhive Haškog tribunala kojeg posjeduje.

Iz naprijed navedenog proizilaze razlozi zbog kojih smo sačinili Prijedlog ove odluke.

### **III - OBJAŠNJENJE PRAVNIH RJEŠENJA SADRŽANIH U ODLUCI**

Članom 1. propisuje se osnivanje Javne ustanove "Memorijalni centar Sarajevo" kao javne ustanove, te da je osnivač iste Skupština Kantona Sarajevo.

Članom 2. propisuje se naziv i sjedište Javne ustanove "Memorijalni centar Sarajevo".

Članom 3. propisuje se da Javna ustanova "Memorijalni centar Sarajevo" ima svojstvo pravnog lica.

Članom 4. propisuju se djelatnosti Memorijalnog centra Sarajevo, te se iste taksativno nabrajaju. Ovim članom odluka je dopunjena sa otkupom i sufinansiranjem publikacija, audio i video zapisa, knjiga i naučnih radova iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945, prikupljanjem, evidentiranjem, preuzimanjem i čuvanjem arhivske građe od posebnog značaja za odbrambeno-oslobodilački rat 1992-1995 i narodno-oslobodilački rat 1941-1945, bavljenjem naučnoistraživačkim radom, u skladu sa pozitivnim propisima, prikupljanjem, stručnom obradom, čuvanjem, obnavljanjem i obezbjeđivanjem efikasnog korištenja bibliotečke građe sa posebnim fokusom na periode odbrambeno-oslobodilačkog rata 1992-1995 i narodno-oslobodilačkog rata 1941-1945, sufinansiranjem izgradnje spomen-obilježja i restauracijom postojećih spomen-obilježja iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945, te radom trgovine na malo suvenira i rukotvorina.

Članom 5. propisuje šifre djelatnosti Memorijalnog centra Sarajevo, te se iste taksativno nabrajaju. Ovim članom odluka je dopunjena sa šiframa djelatnosti biblioteka i arhiva i istraživanja i eksperimentalnog razvoja u društvenim i humanističkim naukama.

Članom 6. propisuje da su Pravila osnovni opći akt koji donosi Upravni odbor uz saglasnost Osnivača, te da se Pravilima uređuju osnovna pitanja vezana za rad Memorijalnog centra Sarajevo. Ovim članom odluka je dopunjena sa kriterijima za otkup i sufinansiranje publikacija i video zapisa, knjiga i naučnih radova iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945 i prioritetima za sufinansiranje izgradnje spomen-obilježja i rekonstrukcije postojećih spomen-obilježja iz perioda odbrambeno-oslobodilačkog rata 1992-1995 i narodno-oslobodilačkog rata 1941-1945;

Članom 7. propisuje se da Memorijalni centar Sarajevo ne može vršiti bilo kakve statusne promjene bez saglasnosti Osnivača.

Članom 8. propisuje se da danom stupanja na snagu ove odluke, Memorijalni centar Sarajevo zadržava objekte i opremu na korišćenje, radnike, kao i sva prava i obaveze Javne ustanove "Fond Memorijala Kantona Sarajevo", te da su objekti i oprema iz stava 1. vlasništvo Osnivača. Ovim članom u odluci u stavu (2) riječ "svojina" je zamijenjena sa riječi "vlasništvo".

Članom 9. propisuju se objekti koji su povjereni Memorijalnom centru Sarajevo na upravljanje. Ovim članom u odluku je dodat objekat KON-TIKI ("kod Sonje") koji je zaključkom Vlade Kantona Sarajevo dat Javnoj ustanovi "Fond Memorijala Kantona Sarajevo" na upravljanje, izgradnju, održavanje, zaštitu i privođenje namjeni.

Članom 10. propisuje se da se Memorijalnom centru Sarajevo povjerava na korištenje, zaštitu i održavanje Ratna džamija na planini Igman koja je odlukom Osnovača proglašena dobrom baštine.

Članom 11. propisano je iz kojih sredstava Memorijalni centar Sarajevo ostvaruje sredstva za rad i razvoj.

Članom 12. propisano je da se Pravilima Memorijalnog centra Sarajevo reguliše način raspolaganja viškom prihoda nad rashodima kao i način na koji se pokriva višak rashoda nad prihodima.

Članom 13. propisano je da Memorijalni centar Sarajevo raspolaže sredstvima u skladu sa Zakonom o izvršenju Budžeta Kantona Sarajevo i drugim zakonskim i podzakonskim aktima.

Članom 14. propisano je da se finansijsko poslovanje Memorijalnog centra Sarajevo vrši u skladu sa propisima koji regulišu trezorsko poslovanje.

Članom 15. propisano je da Memorijalni centar Sarajevo ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Članom 16. propisano je da radnici Memorijalnog centra Sarajevo ostvaruju svoja prava u skladu sa Zakonom o radu, Pravilima Memorijalnog centra Sarajevo i kolektivnim ugovorom i drugim pojedinačnim i općim aktima Memorijalnog centra Sarajevo.

Članom 17. propisano je da ja Memorijalni centar Sarajevo odgovoran za svoje obaveze imovinom kojom raspolaže.

Članom 18. propisano je da je Memorijalni centar Sarajevo odgovoran Osnivaču za rezultate svoga rada i djelovanja u svim oblastima za koje je nadležan, te su taksativno navedene obaveze Memorijalnog centra Sarajevo prema Osnivaču.

Članom 19. propisano je da je organ upravljanja Memorijalnog centra Sarajevo Upravni odbor, te je taksativno naveden djelokrug Upravnog odbora. U ovom članu u stavu (2) izmijenjena je tačka l) na način da je istom preciznije definirano odlučivanje Upravnog odbora o prigovoru radnika na akte iz radnog odnosa koje donosi direktor.

Članom 20. propisano je da je organ rukovođenja Memorijalnog centra Sarajevo direktor, koji organizuje i vodi poslovanje, predstavlja i zastupa Memorijalni centar Sarajevo i odgovora za zakonitost rada Memorijalnog centra Sarajevo. Ovim članom propisan je i organ koji imenuje direktora, način imenovanja direktora, mandat direktora, uvjeti imenovanja direktora, razrješenje direktora prije isteka mandata i postavljanje vršioca dužnosti direktora. Ovim članom odluka je dopunjena sa preciziranjem zakona u skladu sa kojim se vrši imenovanje i razrješenje direktora.

Članom 21. propisano je da je organ kontrole poslovanja u Memorijalnom centru Sarajevo Nadzorni odbor, te je taksativno naveden djelokrug Nadzornog odbora.

Članom 22. propisani su slučajevi razrješenja članova Upravnog i Nadzornog odbora i prije isteka mandata.

Članom 23. propisana je obaveza donošenja Pravila u roku od tri mjeseca od dana stupanja na snagu ove odluke.

Članom 24. propisano je da nadzor nad zakonitošću rada Memorijalnog centra Sarajevo vrši Ministarstvo za boračka pitanja Kantona Sarajevo.

Članom 25. propisana je obaveza upisa Memorijalnog centra Sarajevo u sudski registar koji se vodi kod Općinskog suda u Sarajevu.

Članom 26. propisano je da je Memorijalni centar Sarajevo pravni sljedbenik Javne ustanove "Fond Memorijala Kantona Sarajevo", te da u tom svojstvu preuzima radnike, arhivu, dokumentaciju, poslove i sredstva za rad, odnosno sva prava i obaveze koja je Javna ustanova "Fond Memorijala Kantona Sarajevo" imala na dan okončanja postupka upisa u sudski registar. Ovim članom propisano je i da nakon okončanja postupka upisa u sudski registar, direktor i drugi radnici Javne ustanove "Fond Memorijala Kantona Sarajevo" nastavljaju obavljati svoje poslove i zadatke, u skladu sa ugovorom o radu, te da direktor Javne ustanove "Fond Memorijala Kantona Sarajevo" nastavlja obavljati poslove direktora Memorijalnog centra Sarajevo. Ovim članom odluka je dopunjena sa rokom za usklađivanje ugovora o radu radnika sa istom.

Članom 27. propisan je prestanak važenja ranijeg propisa.

Članom 28. propisan je dan stupanja na snagu ove odluke.

#### **IV - FINANSIJSKA SREDSTVA**

Obzirom da se radi o korištenju postojećih budžetskih sredstava, odnosno da predmetna odluka ne zahtjeva osiguranje posebnih/dodatnih sredstava, sačinjen je na obrascu IFP-NE.

Broj: 09-02-28241/23  
Sarajevo, 19.06.2023. godine

KANTON SARAJEVO  
MINISTARSTVO ZA BORAČKA PITANJA

**PREDMET: Mišljenje na prijedlog Odluke o osnivanju Javne ustanove  
"Memorijalni Centar Sarajevo".-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo („Službene novine Kantona Sarajevo“, broj 20/23) i člana 4. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje sljedeće

**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o osnivanju Javne ustanove "Memorijalni centar Sarajevo" (u daljem tekstu: Odluka) po pitanju njene usklađenosti sa odredbama ustava, kao i drugim pozitivno-pravnim propisima koji su navedeni u tekstu prijedloga Odluke i obrazloženju predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17- Drugi novi prečišćeni tekst, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Našlovu
2. Evidencija
3. Arhiva



**URAD ZA ZAKONODAVSTVO VLADE KANTONA SARAJEVO**

**Adis Bajić, dipl. pravnik**



Broj: 03-04-02-26119/23  
Sarajevo, 09.06.2023. godine

**MINISTARSTVO ZA BORAČKA PITANJA**  
gosp. Omer Osmanović, ministar

**FOND MEMORIJALA KANTONA SARAJEVO**  
gosp. Ahmed Kulanić, direktor  
Širokac 22,  
71 000 Sarajevo

**PREDMET: Odluka o osnivanju Javne ustanove "Memorijalni centar Sarajevo", mišljenje –**  
**VEZA: Akt Fonda memorijala Kantona Sarajevo, broj: 13-03-01-MD/4-105-8/23 od 02.06.2023. godine**

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 – Drugi novi prečišćeni tekst, 2/18 – Ispravka i 32/22), Ministarstvo pravde i uprave razmotrilo je dostavljenu Odluku i daje sljedeće

### MIŠLJENJE

Odluka o osnivanju Javne ustanove "Memorijalni centar Sarajevo" nije propis, već osnivački akt koji ne utiče na ostvarivanje prava zaštićenih odredbama Evropske konvencije o zaštiti ljudskih prava i osnovnih sloboda i drugih pravnih akata kojima je utvrđena zaštita ljudskih prava.

S poštovanjem.

Dostaviti:  
1. Naslovu:  
2. a/a.

**MINISTAR ZA**

**Džemal Kadenić**





Bosnia and Herzegovina  
Federation of Bosnia and Herzegovina  
CANTON SARAJEVO  
Ministry of Finance

Broj: 08-03-11-26118/23 MD  
Sarajevo, 08.06.2023. godine

JU „FOND MEMORIJALA KANTONA SARAJEVO“  
Ul. Širokac 22  
71 000 SARAJEVO

**Predmet:** Mišljenje na Prijedlog Odluke o osnivanju javne ustanove „Memorijalni centar Sarajevo“;  
**Veza:** Vaš dopis, broj: 13-03-01-MD/4-105-9/23 od 02.06.2023. godine;

Vežano za vaš zahtjev za mišljenje na Prijedlog Odluke o osnivanju javne ustanove „Memorijalni centar Sarajevo“, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

JU „Fond memorijala Kantona Sarajevo“ je postupio u skladu sa navedenim Pravilnikom i Ministarstvu finansija uz Prijedlog Odluke dostavio na mišljenje popunjen i potpisan obrazac IFP-NE u kojem je data sljedeća izjava: „Prijedlog Odluke nema fiskalnih posljedica na budžet“.

Obzirom da za provođenje Prijedloga Odluke nisu potrebna dodatna sredstva iz Budžeta Kantona Sarajevo, na navedeni Prijedlog Odluke o osnivanju javne ustanove „Memorijalni centar Sarajevo“, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Prijedloga Odluke koja se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

**Dostaviti:**

1. Naslovu
2. MF-Sektor za budžet i fiskalni sistem
3. a/a

Pripremila: Mensura Drakovac, BA menadžmenta  
Kontrolisala: Amina Močević, mr. oec.



MINISTAR

Enir Dđđđđđ, dipl.ecc.





## OBRAZAC IZJAVA O FISKALNOJ PROCJENI

Obrazac IFP NE

### A 1. Obrađivač propisa

	KOD	NAZIV
Razdjel	13020001	JAVNA USTANOVA "FOND MEMORIJALA KANTONA SARAJEVO"

### B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ODLUKA O OSNIVANJU JAVNA USTANOVA "MEMORIJALNI CENTAR SARAJEVO" - PRIJEDLOG					

### C 3. Izjava o nepostojanju dodatnih fiskalnih efekata predloženog propisa

Prijedlog Odluke nema fiskalnih posljedica na budžet

### D 4. Pečat i potpis odgovornog lica obrađivača, odnosno predlagača propisa

Mjesto i  
datum



**ODLUKU****O DAVANJU SAGLASNOSTI O STATUSNOJ  
PROMJENI FONDA KANTONA SARAJEVO ZA  
IZGRADNJU I OČUVANJE GROBALJA ŠEHIDA I  
POGINULIH BORACA, MEMORIJALNIH CENTARA I  
SPOMEN OBILJEŽJA ŽRTAVA GENOCIDA****DIO PRVI - UVODNI DIO****Član 1.**

(Osnivač i status ustanove)

- (1) Skupština Kantona Sarajevo (u daljnjem tekstu: Osnivač) je osnivač Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida.
- (2) Ovom odlukom daje se saglasnost o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida, preuzimanju prava i obaveza Osnivača i uskladjivanju organizacije i poslovanja Fonda sa odredbama Zakona o ustanovama ("Službeni list RBiH", br. 6/92, 8/93 i 13/94).

**Član 2.**

(Naziv i sjedište javne ustanove)

- (1) Fond iz člana 1. stav (1) ove odluke nastavlja sa radom i posluje pod nazivom: Javna ustanova "Fond Memorijala Kantona Sarajevo" (u daljnjem tekstu: Fond Memorijala), u državnoj svojini.
- (2) Sjedište Fonda Memorijala je u Sarajevu, ulica Širokac 22, Kovači.

**Član 3.**

(Status pravnog lica)

Fond Memorijala ima svojstvo pravnog lica i upisuje se u sudski registar kod nadležnog suda u Sarajevu.

**Član 4.**

(Djelatnost)

Djelatnost Fonda Memorijala je:

- a) izgradnja i uređenje grobalja šehida i poginulih boraca pripadnika Oružanih snaga BiH, spomen kompleksa, memorijalnih centara i spomen - obilježja žrtava genocida;
- b) djelatnosti javnih subjekata koji pružaju obrazovne, kulturne i druge društvene usluge, osim obaveznog socijalnog osiguranja;
- c) izrada i postavljanje muzejskih zbirki i izložbi;
- d) očuvanje i rekonstrukcija historijskih mjesta i građevina te sličnih mjesta za posjetioce iz perioda odbrambeno-oslobodilačkog rata 1992-1995, narodno-oslobodilačkog rata 1941-1945 i antifašizma;
- e) ratni turizam iz perioda odbrambeno-oslobodilačkog rata 1992-1995 u svrhu razgledanja ili povjesnih proučavanja;
- f) izdavačka djelatnost - priprema i izdavanje publikacija, audio i video zapisa, knjiga i naučnih radova iz perioda odbrambeno-oslobodilačkog rata 1992-1995;
- g) vršenje i drugih stručnih poslova utvrđenih zakonom i drugim propisima, odlukama Vlade Kantona Sarajevo (u daljnjem tekstu: Vlada) i Skupštine Kantona Sarajevo (u daljnjem tekstu: Skupština).

**Član 5.**

(Šifre djelatnosti)

- (1) Šifre djelatnosti Fonda Memorijala utvrđuju se prema Odluci o klasifikaciji djelatnosti BiH 2010 ("Službeni glasnik BiH", broj 47/10) i to kako slijedi:  
81.30. - djelatnost uređenja i održavanja zelenih površina - sadnja, uređenje, održavanje grobalja

84.12. - djelatnost javnih subjekata koji pružaju obrazovne, kulturne i druge društvene usluge, osim obaveznog socijalnog osiguranja

91.02.- djelatnost muzejskih zbirki i izložbi

91.03 - očuvanje i rekonstrukcija historijskih mjesta i zgrada

58.1 - izdavačka djelatnost.

**Član 6.**

(Pravila Fonda Memorijala)

- (1) Pravila su osnovni opći akt Fonda Memorijala koji donosi Upravni odbor uz saglasnost Osnivača.
- (2) Pravilima Fonda Memorijala se uređuju osnovna pitanja vezana za rad Fonda Memorijala i to kako slijedi:
  - a) naziv i sjedište Osnivača;
  - b) naziv i sjedište Fonda Memorijala;
  - c) djelatnost Fonda Memorijala;
  - d) izvore i načine obezbjeđenja sredstava za rad Fonda Memorijala;
  - e) način raspolaganja viškom prihoda nad rashodima i način na koji se pokriva višak rashoda nad prihodima;
  - f) prava i obaveze Osnivača u pogledu obavljanja djelatnosti zbog koje je Fond Memorijala osnovan;
  - g) međusobna prava i obaveze Fonda Memorijala i Osnivača;
  - h) imenovanje direktora i organa upravljanja Fonda Memorijala;
  - i) stručna tijela Fonda Memorijala, mandat članova stručnih tijela, način izbora i finansiranje;
  - j) lice koje će do imenovanja direktora Fonda Memorijala obavljati poslove i vršiti ovlaštenje direktora;
  - k) druga pitanja od značaja za rad Fonda Memorijala utvrđena zakonom i drugim propisima.

**Član 7.**

(Statusne promjene i promjena djelatnosti)

Fond Memorijala ne može vršiti bilo kakve statusne promjene bez saglasnosti Osnivača.

**Član 8.**

(Prava i obaveza Fonda Memorijala)

- (1) Danom stupanja na snagu ove odluke, Fond Memorijala zadržava objekte i opremu na korišćenje, radnike, kao i sva prava i obaveze Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida.
- (2) Objekti i oprema iz stava (1) ovog člana su svojina Osnivača.

**Član 9.**

(Upravljanje)

Fond Memorijala se povjerava na upravljanje:

- a) Memorijalni kompleks Kovači koji je proglašen područjem od javnog interesa za Kanton Sarajevo,
- b) Spomenički kompleks "Tunel Dobrinja - Butmir" koji je proglašen zaštićenim dobrom baštine II kategorije.

**Član 10.**

(Korištenje prostora)

Fond Memorijala se povjerava na korištenje, zaštitu i održavanje Ratna džamija na planini Igman koja je proglašena dobrom baštine.

**Član 11.**

(Sredstva rada)

Sredstava za rad i razvoj Fond Memorijala ostvaruje:

- a) iz sredstava Osnivača,
- b) iz sredstava budžeta Federacije Bosne i Hercegovine, kantona, odnosno jedinica lokalne samouprave,
- c) iz vlastitih sredstava Fonda Memorijala,
- d) iz donacija,
- e) iz legata, poklona, zavještanja,
- f) iz drugih izvora na način i pod uvjetima određenim zakonom i Pravilima Fonda Memorijala.

Član 12.

(Prihodi i rashodi)

Pravilima Fonda Memorijala reguliše se način raspolaganja viškom prihoda nad rashodima kao i način na koji se pokriva višak rashoda nad prihodima.

Član 13.

(Način raspolaganja sredstvima)

Fond Memorijala raspolaže sredstvima u skladu sa Zakonom o izvršenju Budžeta Kantona Sarajevo i drugim zakonskim i podzakonskim aktima.

Član 14.

(Finansijsko poslovanje)

Finansijsko poslovanje Fonda Memorijala vrši se u skladu sa propisima koji regulišu trezorsko poslovanje.

Član 15.

(Pravni poslovi)

Fond Memorijala ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 16.

(Prava radnika)

Radnici Fonda Memorijala ostvaruju svoja prava u skladu sa zakonom, Pravilima Fonda Memorijala i Općim kolektivnim ugovorom i drugim pojedinačnim i općim aktima Fonda Memorijala.

Član 17.

(Odgovornost za obaveze)

Fond Memorijala je odgovoran za svoje obaveze imovinom kojom raspolaže - potpuna odgovornost.

**DIO DRUGI - ODGOVORNOST I OBAVEZE FONDA MEMORIJALA PREMA OSNIVAČU**

Član 18.

(Odgovornost i obaveze prema Osnivaču)

- (1) Fond Memorijala je odgovoran osnivaču za rezultate svoga rada i djelovanja u svim oblastima za koje je nadležan.
- (2) Obaveze Fonda Memorijala prema Osnivaču su:
  - a) da pribavi saglasnost Osnivača kod svih statusnih promjena Fonda Memorijala;
  - b) da pribavi saglasnost Osnivača kod donošenja Pravila Fonda Memorijala;
  - c) da pribavi saglasnost Osnivača kod godišnjeg programa rada sa finansijskim planom;
  - d) da najmanje jednom godišnje podnosi Osnivaču izvještaj o radu i finansijskom poslovanju Fonda Memorijala, koji sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu Upravnog odbora, izvještaj o radu direktora i izvještaj o radu Nadzornog odbora;
  - e) da pribavi saglasnost Osnivača kod proširenja i promjene djelatnosti Fonda Memorijala;
  - f) da pribavi saglasnost Vlade, a na prijedlog Ministarstva u postupku donošenja Pravilnika o unutrašnjoj organizaciji i sistematizaciji radnih mjesta;
  - g) druge obaveze utvrđene zakonom i drugim propisima.

**DIO TREĆI - ORGANI UPRAVLJANJA, RUKOVOĐENJA I KONTROLE POSLOVANJA**

Član 19.

(Upravni odbor)

- (1) Organ upravljanja u Fondu Memorijala je Upravni odbor.
- (2) Djelokrug Upravnog odbora je:
  - a) donošenje Pravila Fonda Memorijala;
  - b) imenovanje i razrješenje direktora odnosno v.d. direktora Fonda Memorijala;
  - c) utvrđivanje planova rada i razvoja Fonda Memorijala;

- d) utvrđivanje godišnjeg programa rada;
  - e) donošenje finansijskog plana i usvajanje godišnjeg obračuna;
  - f) donošenje općih akata o unutrašnjem uređenju i sistematizaciji poslova i drugih općih akta, u skladu sa zakonom i Pravilima Fonda Memorijala;
  - g) odlučivanje o svim pitanjima obavljanja djelatnosti radi kojih je Fond Memorijala osnovan, ako zakonom nije određeno da o određenim pitanjima odlučuje drugi organ Fonda Memorijala;
  - h) usmjeravanje, kontrolisanje i ocjenjivanje rada Fonda Memorijala;
  - i) rješavanje svih pitanja odnosa sa Osnivačem;
  - j) odlučivanje o korišćenju sredstava preko iznosa utvrđenog Pravilima Fonda Memorijala;
  - k) odgovornost Osnivaču za rezultate rada Fonda Memorijala;
  - l) odlučivanje o prigovoru radnika na rješenja kojim je drugi organ, određen Pravilima Fonda Memorijala, odlučio o pravu, obavezi i odgovornosti radnika iz radnog odnosa;
  - m) podnošenje Osnivaču najmanje jedanput godišnje izvještaja o poslovanju Fonda Memorijala;
  - n) redovno dostavljanje Ministarstvu zapisnika sa održanih sjednica Upravnog odbora;
  - o) obavljanje i drugih poslova u skladu sa zakonom i Pravilima Fonda Memorijala.
- (3) Predsjednika i članove Upravnog odbora imenuje i razrješava Vlada na prijedlog Ministarstva, uz ravnopravnu zastupljenost oba spola, na način i u skladu sa zakonom.
  - (4) Upravni odbor ima pet članova i čine ga predstavnici:
    - a) Osnivača - četiri člana, od kojih je jedan ispred Ministarstva,
    - b) stručnih radnika Fonda Memorijala - jedan član.
  - (5) Mandat predsjednika i članova Upravnog odbora traje četiri godine i mogu biti ponovo imenovani.
  - (6) Predsjednik i članovi Upravnog odbora Fonda Memorijala imenuju se u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br.12/03, 34/03 i 65/13).
  - (7) Način izbora, opoziva i mandat predsjednika i članova Upravnog odbora Fonda Memorijala, vrši se u skladu sa standardima i kriterijima za imenovanje članova Upravnog odbora koji će se utvrditi posebnom odlukom Vlade.
  - (8) Predsjednik i članovi aktuelnog saziva Upravnog odbora, stupanjem na snagu ove odluke, nastavljaju sa radom do isteka mandata na koji su imenovani.

Član 20.

(Direktor)

- (1) Organ rukovođenja u Fondu Memorijala je direktor, koji organizira i vodi poslovanje, predstavlja i zastupa Fond Memorijala i odgovoran je za zakonitost rada Fonda Memorijala.
- (2) Direktor Fonda Memorijala imenuje se na osnovu javnog oglasa, u skladu sa zakonom.
- (3) Direktora imenuje i razrješava Upravni odbor uz saglasnost Vlade, na način i u skladu sa zakonom i Pravilima Fonda Memorijala.
- (4) Uvjeti za imenovanje direktora utvrđuju se u Pravilima Fonda Memorijala.
- (5) Direktor se može razrješiti i prije isteka mandata na koji je imenovan u slučajevima propisanim zakonom i Pravilima Fonda Memorijala, kao i u slučajevima iz člana 22. stav (1) ove odluke.
- (6) Direktor učestvuje u radu Upravnog odbora, bez prava glasa.
- (7) Mandat direktora traje četiri godine.
- (8) Po isteku mandata, isto lice može, na osnovu javnog oglasa, ponovo biti imenovano za direktora Fonda Memorijala, ali najviše za još jedan mandatni period.



# SLUŽBENE NOVINE KANTONA SARAJEVO

Godina XXIV – Broj 11

Četvrtak, 14. marta 2019. godine  
SARAJEVO

ISSN 1512-7052

## KANTON SARAJEVO

### Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 27.02.2019. godine, donijela je

### ZAKON

#### O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO"

##### Član 1.

U Zakonu o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", broj 18/11 - Prečišćeni tekst i 36/15), u članu 2. u stavu 1. tačka 7. mijenja se i glasi:

"7. Statuti i drugi akti koji imaju karakter općih akata preduzeća, ustanova i drugih pravnih lica čiji je osnivač Kanton";  
Iza stava 1. dodaju se st. 2. i 3., koji glase:

"Vlada Kantona svojim propisom uređuje vrstu i postupak objavljivanja akata iz člana 2. ovog zakona i javnost rada organa Kantona, preduzeća, ustanova i drugih pravnih lica čiji je osnivač Kanton.

Vlada Kantona dužna je propis iz stava 2. ovog člana donijeti u roku od 60 dana od dana stupanja na snagu ovog zakona".

##### Član 2.

U članu 3., iza riječi: "Službenim novinama", stavlja se tačka, a ostatak teksta se briše.

##### Član 3.

Član 5. mijenja se i glasi:

##### Član 5.

Akte iz čl. 2. i 3. ovog zakona odgovarajuća služba donosioca dužna je dostaviti u roku od osam dana od dana donošenja Službi za skupštinske poslove Skupštine Kantona koja ih dostavlja na objavljivanje".

##### Član 4.

Obavezuje se sekretar Skupštine Kantona Sarajevo da zaključni ugovor sa Izdavačem iz člana 8., a u vezi sa članom 7. st. 2. i 3. ovog zakona, u roku od 90 dana od dana stupanja na snagu ovog zakona.

### Član 5.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-5247/19  
27. februara 2019. godine  
Sarajevo

Predsjedavajući  
Skupštine Kantona Sarajevo  
Elmedin Konaković, s. r.

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službene novine RBiH", br. 6/92, 8/93 i 13/94), a u vezi sa čl. 50. i 51. Zakona o dopunskim pravima boraca - branitelja BiH ("Službene novine Kantona Sarajevo", br. 45/12 - Prečišćeni tekst, 26/14 i 46/17), Skupština Kantona Sarajevo, na sjednici održanoj dana 27.02.2019. godine, donijela je

### ODLUKU

#### O IZMJENI ODLUKE O DAVANJU SAGLASNOSTI O STATUSNOJ PROMJENI FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN OBILJEŽJA ŽRTAVA GENOCIDA

##### Član 1.

(Izmjena naziva Odluke)

U Odluci o davanju saglasnosti o statusnoj promjeni Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida ("Službene novine Kantona Sarajevo", broj 28/18) mijenja se naziv odluke i isti glasi: "Odluka o osnivanju javne ustanove "Fond Memorijala Kantona Sarajevo"."

U članu 1. stav (2) se mijenja i isti glasi:

"Ovom odlukom osniva se Javna ustanova "Fond Memorijala Kantona Sarajevo", preuzimaju prava i obaveze osnivača i usklađivanje organizacije i poslovanja Fonda iz stava (1) ovog člana sa odredbama Zakona o ustanovama ("Službeni list RBiH", br. 6/92, 8/93 i 13/94)."

##### Član 2.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-5261/19  
27. februara 2019. godine  
Sarajevo

Predsjedavajući  
Skupštine Kantona Sarajevo  
Elmedin Konaković, s. r.

~~USTAV KANTONA SARAJEVO~~

I

AMANDMANI I-XLII NA USTAV KANTONA SARAJEVO

"Službene novine Kantona Sarajevo"  
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

**USTAV  
KANTONA SARAJEVO**

**I - OPĆE ODREDBE**

**Član 1.**

**Sadržaj**

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

**Član 2.**

**Uspostavljanje Kantona**

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

**Član 3.**

**Naziv i sjedište Kantona**

Službeni naziv Kantona je: Kanton Sarajevo.

Sjedište Kantona je u Sarajevu.

**Član 4.**

**Teritorij Kantona**

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

**Član 5.**

**Službena obilježja Kantona**

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

- b) osigurati suradnju svake osobe i svakog službenika u davanju potrebnih informacija i podataka;
  - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
  - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

### III - NADLEŽNOSTI KANTONA

#### Član 11.

##### Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) donošenje propisa o korištenju lokalnog zemljišta, uključujući i zaniranje;
- f) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

#### Član 13.

##### Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

Skupština Kantona:

a) priprema i dvotrećinskom većinom usvaja Ustav Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera, zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadležnosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja budžet Kantona i donosi zakone o oporezivanju i na drugi način osigurava potrebno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrđene federalnim propisima, ovim Ustavom i kantonalnim propisima.

#### Član 19.

##### **Način rada Skupštine**

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

#### Član 20.

##### **Poslanički imunitet**

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

#### Član 21.

##### **Način odlučivanja u Skupštini**

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).



**Član 50.**

Do početka rada kantonalnih i općinskih sudova sukladno ovom Ustavu njihove funkcije će vršiti postojeći sudovi uspostavljeni prema zakonima Republike Bosne i Hercegovine.

Nakon stupanja na snagu ovog Ustava, a do početka rada kantonalnih i općinskih sudova, sudije će se birati po prethodno pribavljenoj saglasnosti Skupštine.

**Član 51.**

Statut grada Sarajeva i drugi gradski propisi ostaju na snazi u prijelaznom periodu ukoliko nisu u suprotnosti sa Ustavom Federacije i ovim Ustavom.

**++++**

**Broj 2/96 (Ispravka)**

**ISPRAVKA**

U članu 24. omaškom je izostavljen stav 3. i 4., koji glase:

"Predsjednik Kantona može biti smijenjen prije isteka mandata na koji je izabran. O smjenjivanju odlučuje Skupština dvotrećinskom većinom ukupnog broja poslanika.

Ukoliko mjesto Predsjednika ostaje upražnjeno, Skupština Kantona će izabrati novog Predsjednika u roku od 30 (trideset) dana računajući od dana kada je mjesto upražnjeno. U slučaju da Predsjednik bude privremeno spriječen da obavlja svoju dužnost, funkciju će vršiti predsjedavajući Skupštine do povratka predsjednika."

---

**Broj 3/96 (Ispravka)**

**ISPRAVKA**

U članu 27. omaškom je izostavljen stav 5. koji glasi:

"Predsjednik Kantona može smijeniti pojedine ministre u Vladi na prijedlog premijera."

---

**Broj 16/97 (Amendmani I-XIII)**

**AMANDMAN I**

Iza člana 4. dodaje se novi član 4a. koji glasi:

"U Kantonu Sarajevo općine Centar, Novi Grad, Novo Sarajevo i Stari Grad čine Grad Sarajevo (u daljem tekstu: Grad) kao jedinicu lokalne samouprave. Nadležnost i unutrašnja organizacija Grada uređuju se Statutom Grada. Statut Grada uređuje i pitanja od vitalnog nacionalnog interesa."

**AMANDMAN II**

Iza člana 4a. dodaje se novi član 4b., koji glasi:

"Grad ima Gradsko vijeće sa 28 vijećnika."



Godina I - Broj 6

Ponedjeljak, 15. juna 1992.  
SARAJEVO

Akontacija pretplate  
za 1992. godinu 3.900 dinara  
Žiro-račun 10100-603-1396

110

Član 6.

Na osnovu amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

Osnivač donosi akt o osnivanju ustanove. Akt o osnivanju ustanove sadrži:

- naziv osnivača,
- naziv i sjedište ustanove,
- djelatnost ustanove,
- iznos sredstava za osnivanje i početak rada i način njihovog obezbjeđivanja
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad приходima,
- prava, obaveze i odgovornost ustanove u pravnom prometu,
- lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

## UREDBU SA ZAKONSKOM SNAGOM O USTANOVAMA

### I - OSNOVNE ODREDBE

#### Član 1.

Ustanova, u smislu ove uredbe, osniva se za obavljanje djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cilj obavljanja djelatnosti nije sticanje dobiti. Ustanova ima svojstvo pravnog lica.

#### Član 2.

Ustanovu može osnovati domaće odnosno strano pravno i fizičko lice (u daljem tekstu: osnivač) u svim oblicima svojine. Zakonom se može utvrditi da strano i pravno i fizičko lice ne može osnovati ustanovu za obavljanje određene djelatnosti.

#### Član 3.

Za obavljanje javne službe osniva se javna ustanova. Pod javnom službom, u smislu ove uredbe, podrazumjeva se trajno i nesmetano obavljanje djelatnosti u javnom interesu Republike Bosne i Hercegovine (u daljem tekstu: Republika), opštine ili gradske zajednice. Javnu ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština opštine, skupština gradske zajednice i vjerska zajednica, samostalno ili sa drugim pravnim odnosno fizičkim licem, kada nadležna skupština ocijeni da za njeno osnivanje postoji javni interes.

#### Član 4.

Radnici ostvaruju svoja prava u ustanovi, u skladu sa zakonom, kolektivnim ugovorom i pravilima ustanove.

### II - OSNIVANJE USTANOVE

#### Član 5.

Ustanova se može osnovati ako su ispunjeni uslovi za osnivanje i početak rada ustanove, u skladu sa zakonom. Sredstva za ispunjenje uslova iz stava 1. ovog člana obezbjeđuje osnivač.

#### Član 7.

Ustanovu mogu osnovati dva ili više osnivača. Ako ustanovu osniva dva ili više osnivača, njihova međusobna prava, obaveze i odgovornosti određuju se ugovorom, koji se zaključuje u pismenoj formi.

#### Član 8.

Osnivač može prenijeti i obaveze osnivača na drugo pravno ili fizičko lice. Aktom o prenošenju prava i obaveza osnivača uređuje se način zaštite prava korisnika usluga i druga pitanja od značaja za promjenu osnivača ustanove


#### Član 9.

Ustanova ne može početi da obavlja djelatnost dok nadležni organ uprave koji vrši nadzor nad zakonitosti rada rješenjem ne utvrdi da su ispunjeni uslovi utvrđeni zakonom.

### III - DJELATNOST, STATUSNE PROMJENE I UDRUŽIVANJE USTANOVA

#### Član 10.

Ustanova može obavljati više djelatnosti iz člana 1. ove uredbe, ako ispunjava uslove utvrđene zakonom za svaku od tih djelatnosti.



230

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

### UKAZ

#### O PROGLAŠENJU ZAKONA O POTVRĐIVANJU UREDBI SA ZAKONSKOM SNAGOM

Proglašava se Zakon o potvrđivanju uredbi sa zakonskom snagom, koji je donijela Skupština Republike Bosne i Hercegovine na sjednici Skupštine od 1. juna 1994. godine.

PR broj 1651/94  
1. juna 1994. godine  
Sarajevo

Predsjednik  
Predsjedništva RBiH,  
Alija Izetbegović, s. r.

### ZAKON

#### O POTVRĐIVANJU UREDBI SA ZAKONSKOM SNAGOM

##### Član 1.

Potvrđuju se uredbi sa zakonskom snagom koje je Predsjedništvo Republike Bosne i Hercegovine donijelo na osnovu Amandmana LI tačka 5. stav 3. na Ustav Republike Bosne i Hercegovine u funkciji Skupštine Republike Bosne i Hercegovine, i to:

1. Uredba o izmjeni naziva Socijalističke Republike Bosne i Hercegovine ("Službeni list RBiH", broj 1/92),
2. Uredba o ukidanju dosadašnjeg Republičkog štaba teritorijalne odbrane i obrazovanju Štaba teritorijalne odbrane Republike Bosne i Hercegovine ("Službeni list RBiH", broj 1/92),
3. Uredba sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92),
4. Uredba sa zakonskom snagom o neprimjenjivanju odredaba saveznih zakona i propisa donesenih za njihovo izvršavanje na teritoriji Bosne i Hercegovine ("Službeni list RBiH", broj 2/92),
5. Uredba sa zakonskom snagom o računovodstvu ("Službeni list RBiH", broj 2/92),
6. Uredba sa zakonskom snagom o finansijskom poslovanju ("Službeni list RBiH", broj 2/92),

7. Uredba sa zakonskom snagom o deviznom poslovanju ("Službeni list RBiH", broj 2/92),
8. Uredba sa zakonskom snagom o carinskom zakonu ("Službeni list RBiH", broj 2/92),
9. Uredba sa zakonskom snagom o Službi društvenog knjigovodstva ("Službeni list RBiH", broj 2/92),
10. Uredba sa zakonskom snagom o preuzimanju Zakona o opštem upravnom postupku ("Službeni list RBiH", broj 2/92),
11. Uredba sa zakonskom snagom o preuzimanju Zakona o upravnim sporovima ("Službeni list RBiH", broj 2/92),
12. Uredba sa zakonskom snagom o preuzimanju Zakona o službi u oružanim snagama i njegovoj primjeni u RBiH ("Službeni list RBiH", broj 2/92),
13. Uredba sa zakonskom snagom o preuzimanju krivičnog zakona SFRJ ("Službeni list RBiH", broj 2/92),
14. Uredba sa zakonskom snagom o preuzimanju Zakona o krivičnom postupku ("Službeni list RBiH", broj 2/92),
15. Uredba sa zakonskom snagom o preuzimanju Zakona o osnovnim svojinsko-pravnim odnosima ("Službeni list R-BiH", broj 2/92),
16. Uredba sa zakonskom snagom o preuzimanju Zakona o obligacionim odnosima ("Službeni list RBiH", broj 2/92),
17. Uredba sa zakonskom snagom o preuzimanju Zakona o parničnom postupku ("Službeni list RBiH", broj 2/92),
18. Uredba sa zakonskom snagom o izmjeni i dopuni Zakona o izboru i opozivu članova Predsjedništva Republike Bosne i Hercegovine ("Službeni list RBiH", broj 2/92),
19. Uredba sa zakonskom snagom o finansiranju potreba Republike BiH ("Službeni list RBiH", broj 2/92),
20. Uredba sa zakonskom snagom o Novinskoj agenciji Bosne i Hercegovine ("Službeni list RBiH", broj 2/92),
21. Uredba o privremenom finansiranju i pravu raspolaganja sredstvima Teritorijalne odbrane Republike Bosne i Hercegovine ("Službeni list RBiH", broj 4/92),
22. Uredba sa zakonskom snagom o zaštiti pripadnika Teritorijalne odbrane i drugih branilaca Republike Bosne i Hercegovine ("Službeni list RBiH", broj 4/92),
23. Uredba sa zakonskom snagom o odbrani ("Službeni list RBiH", broj 4/92),
24. Uredba sa zakonskom snagom o oružanim snagama Republike Bosne i Hercegovine ("Službeni list RBiH", broj 4/92),
25. Uredba sa zakonskom snagom o zdravstvenoj zaštiti pripadnika Teritorijalne odbrane Republike Bosne i Hercegovine ("Službeni list RBiH", broj 4/92),
26. Uredba sa zakonskom snagom o pravu na izuzetnu penziju za pripadnike sastava Teritorijalne odbrane Republike Bosne i Hercegovine ("Službeni list RBiH", broj 4/92),

27. Uredba sa zakonskom snagom o utvrđivanju privremenog grba i zastave RBiH ("Službeni list RBiH", broj 4/92),

28. Uredba sa zakonskom snagom o izmjenama i dopunama Zakona o državnoj upravi ("Službeni list RBiH", broj 4/92),

29. Uredba sa zakonskom snagom o javnim preduzećima ("Službeni list RBiH", broj 4/92),

30. Uredba sa zakonskom snagom o tržišnoj inspekciji ("Službeni list RBiH", broj 4/92),

31. Uredba sa zakonskom snagom o putnim ispravama državljanima Republike Bosne i Hercegovine ("Službeni list RBiH", broj 4/92),

32. Uredba sa zakonskom snagom o izmjenama i dopunama Zakona o Radio-televiziji Sarajevo ("Službeni list RBiH", broj 4/92),

33. Uredba sa zakonskom snagom o imenovanju republičkih povjerenika ("Službeni list RBiH", broj 4/92),

34. Uredba sa zakonskom snagom o završetku nastave u školskoj 1991/92. godini u osnovnim, srednjim i višim školama, fakultetima i umjetničkim akademijama u Republici Bosni i Hercegovini ("Službeni list RBiH", broj 4/92),

35. Uredba sa zakonskom snagom o izmjeni i dopuni Zakona o Vladi Socijalističke Republike Bosne i Hercegovine ("Službeni list RBiH", broj 4/92),

36. Uredba sa zakonskom snagom o ministarstvima i drugim republičkim organima uprave i republičkim upravnim organizacijama ("Službeni list RBiH", broj 5/92),

37. Uredba sa zakonskom snagom o izmjenama i dopunama Zakona o željeznici ("Službeni list RBiH", broj 5/92),

38. Uredba sa zakonskom snagom o ratifikaciji međunarodnih konvencija ("Službeni list RBiH", broj 5/92),

39. Uredba sa zakonskom snagom o izmjenama i dopunama Uredbe sa zakonskom snagom o imenovanju republičkih povjerenika ("Službeni list RBiH", broj 5/92),

40. Uredba sa zakonskom snagom o pravima i dužnostima prodekana, prorektora odnosno povjerenika u uslovima vanrednog stanja ("Službeni list RBiH", broj 5/92),

41. Uredba sa zakonskom snagom o izmjeni Amandmana LIV na Ustav RBiH ("Službeni list RBiH", broj 5/92),

42. Uredba sa zakonskom snagom o ustanovama ("Službeni list RBiH", broj 6/92),

43. Uredba sa zakonskom snagom o utvrđivanju ratne štete ("Službeni list RBiH", broj 6/92),

44. Uredba sa zakonskom snagom o primjeni Zakona o krivičnom postupku koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

45. Uredba sa zakonskom snagom o izmjenama i dopunama Zakona o pomilovanju ("Službeni list RBiH", broj 6/92),

46. Uredba sa zakonskom snagom o primjeni Zakona o privrednim prestupima koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

47. Uredba sa zakonskom snagom o primjeni Zakona o izvršenju krivičnih i prekršajnih sankcija za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

48. Uredba sa zakonskom snagom o rokovima u sudskim postupcima i upravnom postupku za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

49. Uredba sa zakonskom snagom o primjenjivanju Zakona o opštem upravnom postupku koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

50. Uredba sa zakonskom snagom o neprimjenjivanju Zakona o upravnim sporovima koji je preuzet kao republički zakon, za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

51. Uredba sa zakonskom snagom o primjeni Krivičnog zakona Republike Bosne i Hercegovine i Krivičnog zakona Socijalističke Federativne Republike Jugoslavije koji je preuzet kao

republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

52. Uredba sa zakonskom snagom o sredstvima pomoći za saniranje posljedica rata u Republici Bosni i Hercegovini ("Službeni list RBiH", broj 6/92),

53. Uredba sa zakonskom snagom o izmjenama i dopunama Zakona o redovnim sudovima ("Službeni list RBiH", broj 6/92),

54. Uredba sa zakonskom snagom o primjeni Zakona o državnoj upravi za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

55. Uredba sa zakonskom snagom o primjeni Zakona o javnom tužilaštvu za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

56. Uredba sa zakonskom snagom o izmjenama i dopunama Zakona o javnom pravobranilaštvu ("Službeni list RBiH", broj 6/92),

57. Uredba sa zakonskom snagom o primjeni Zakona o prekršajima za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

58. Uredba sa zakonskom snagom o primjeni Zakona o javnom pravobranilaštvu za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

59. Uredba sa zakonskom snagom o primjenjivanju Zakona o pamičnom postupku koji je preuzet kao republički zakon za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

60. Uredba sa zakonskom snagom o izmjenama i dopunama Zakona o javnom tužilaštvu ("Službeni list RBiH", broj 6/92),

61. Uredba sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

62. Uredba sa zakonskom snagom o izmjenama i dopunama Zakona o javnom tužilaštvu ("Službeni list RBiH", broj 6/92),

63. Uredba sa zakonskom snagom o primjeni Zakona o redovnim sudovima za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92),

64. Uredba sa zakonskom snagom o primjeni Zakona o Narodnoj banci Bosne i Hercegovine za vrijeme ratnog stanja ili u slučaju neposredne ratne opasnosti ("Službeni list RBiH", broj 6/92),

65. Uredba sa zakonskom snagom o napuštenim stanovima ("Službeni list RBiH", broj 6/92),

66. Uredba sa zakonskom snagom o smještaju ljudi i materijalnih dobara za vrijeme neposredne ratne opasnosti ili ratnog stanja ("Službeni list RBiH", broj 6/92),

67. Uredba sa zakonskom snagom o preuzimanju sredstava bivše Socijalističke Federativne Republike Jugoslavije u svojini Republike Bosne i Hercegovine ("Službeni list RBiH", broj 6/92),

68. Uredba sa zakonskom snagom o dopuni Uredbe sa zakonskom snagom o oružanim snagama Republike Bosne i Hercegovine ("Službeni list RBiH", broj 7/92),

69. Uredba sa zakonskom snagom o prihvatanju Rezolucije 757 Savjeta sigurnosti od 30. maja 1992. godine ("Službeni list RBiH", broj 8/92),

70. Uredba sa zakonskom snagom o ostvarivanju zaštite članova porodica lica na obaveznoj vojnoj vježbi ("Službeni list RBiH", broj 8/92),

71. Uredba sa zakonskom snagom o pravu na dodatak na djecu pripadnicima teritorijalne odbrane Republike Bosne i Hercegovine ("Službeni list RBiH", broj 8/92),

72. Uredba sa zakonskom snagom o zaštiti civilnih žrtava rata iz oružanih sukoba poslije 30. maja 1990. godine ("Službeni list RBiH", broj 8/92),

73. Uredba sa zakonskom snagom o novcu Republike Bosne i Hercegovine ("Službeni list RBiH", broj 8/92),

74. Uredba sa zakonskom snagom o obavljanju određenih poslova opština u organima uprave grada Sarajeva za vrijeme ratnog stanja ("Službeni list RBiH", broj 8/92),

75. Uredba sa zakonskom snagom o izmjeni Amandmana LIV na Ustav RBiH ("Službeni list RBiH", broj 9/92),

76. Uredba sa zakonskom snagom o bankama koje nastavljaju sa radom za vrijeme ratnog stanja ili u slučaju neposredne ratne opasnosti ("Službeni list RBiH", broj 9/92),

- (6) Ovlaštenje za pristup i nivoe pristupa podacima iz EMIS-a odobrava ministar."

Član 3.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-29307/22

27. jula 2022. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Na osnovu člana 18. stav 1. tačka b), a u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 30. i 20a. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10, 90/17 i 29/22), člana 5. stav (2), člana 9. stav (2), člana 10. st. (2) i (3), člana 14. stav (4), člana 19. stav (6), člana 20., člana 32. stav (1), člana 34. i člana 42. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22) i člana 4. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10, 90/17 i 29/22), Skupština Kantona Sarajevo, na 54. Radnoj sjednici održanoj dana 27.07.2022. godine, donijela je

**ZAKON**

**O DOPUNSKIM PRAVIMA BORACA - BRANITELJA  
BOSNE I HERCEGOVINE**

**POGLAVLJE I - OSNOVNE ODREDBE**

Član 1.

(Osnovne odredbe i korisnici dopunskih prava)

- (1) Ovim zakonom uređuju se prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava članova porodica šehida, članova porodica poginulih, umrlih i nestalih branioaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioaca, demobiliziranih branioaca, dobrovoljaca, organizatora otpora, veterana i ratnih vojnih zarobljenika, kao lica zaslužnih u odbrambeno - oslobodilačkom ratu sa područja Kantona Sarajevo (u daljnjem tekstu: Kanton), kao i mirnodopskih vojnih invalida.
- (2) U ostvarivanju pojedinih prava u okviru ovog zakona, lica koja ostvaruju ta prava, a nisu navedena u stavu (1) ovog člana taksativno se nabrajaju u opisu tih prava.
- (3) Lica iz stava (1) ovog člana, prava po ovom zakonu ostvaruju kao dopunska uz prava koja su za branioce i članove njihovih porodica utvrđena Zakonom o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10, 90/17 i 29/22) (u daljnjem tekstu: federalni zakon), Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10, 90/17 i 29/22), Zakonom o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22) i Odlučkom o posebnim pravima

nositelja "Partizanske spomenice 1941" i članova njihovih porodica ("Službene novine Federacije BiH", broj 6/06).

Član 2.

(Definiranje pojмова)

- (1) Pod pojmom:
  - a) porodica šehida i porodica poginulog, umrlog, nestalog branioaca,
  - b) branilac,
  - c) dobrovoljac i organizator otpora,
  - d) veteran,
  - e) demobilizirani branioac,
  - f) ratni vojni invalid,
  - g) mirnodopski vojni invalid,
 smatraju se lica koja su definirana čl. 2, 3. i 4. Zakona o pravima branilaca i članova njihovih porodica.
- (2) Pod pojmom članova porodice šehida i porodica poginulog, umrlog, nestalog branioaca i umrlog ratnog vojnog invalida smatraju se lica definirana članom 17. federalnog zakona. Djeca šehida, poginulih, umrlih i nestalih branioaca (u daljnjem tekstu: djeca šehida i poginulih branioaca), rođena u braku ili u vanbračnoj zajednici i nakon prestanka prava na porodičnu invalidninu imaju status člana porodice poginulog branioaca.
- (3) Pod pojmom dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja smatraju se lica koja su definirana čl. 1. i 2. Zakona o posebnim pravima dobitnika ratnih priznanja i odlikovanja i članova njihovih porodica.
- (4) Pod pojmom ratni vojni zarobljenik smatra se branilac koji je vršeci vojnu dužnost zarobljen od strane agresora na Republiku Bosnu i Hercegovinu.
- (5) Pod pojmom demobilizirani branioac i članovi porodice demobiliziranog branioaca smatraju se lica definirana čl. 2. i 3. Zakona o pravima demobiliziranih branilaca i članova njihovih porodica.
- (6) Pod pojmom zajedničko domaćinstvo smatra se zajednica stanovanja, privređivanja i trošenja ostvarenih prihoda.

Član 3.

(Rodna ravnopravnost)

- (1) Gramatička terminologija korištenja muškog ili ženskog roda u ovom zakonu podrazumijeva uključivanje oba roda.
- (2) Pojmovi utvrđeni u članu 2. ovog zakona i svim ostalim odredbama ovog zakona gdje se spominju u različitim padežima zamjenjuju se riječima u odgovarajućem padežu.

Član 4.

(Uvjeti za ostvarivanje dopunskih prava)

- (1) Prava po ovom zakonu mogu ostvariti branioaci koji su proveli u Oružanim snagama R BiH najmanje godinu dana i lica koje je kao maloljetno stupilo u Oružane snage R BiH u periodu datom u definiciji branioaca po federalnom zakonu, pod uvjetom da ne postoje okolnosti iz člana 36. federalnog zakona.
- (2) Jedan od uvjeta ostvarivanja prava po ovom zakonu za lica iz člana 1. ovog zakona je da imaju prijavljeno prebivalište, odnosno boravište na području Kantona, najmanje deset godina neprekidno do 01.01. one godine u kojoj se predaje zahtjev za ostvarivanje dopunskog prava i

**Odjeljak F – Posthumna prava****Član 47.**

(Naknada troškova dženaze – sahrane)

- (1) Članovi porodice odnosno lice koje je snosilo troškove dženaze- sahrane za lica iz člana 1. ovog zakona sa područja Kantona, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji Bosne i Hercegovine iz prethodne godine.
- (2) Pravo iz stava (1) ovog člana, mogu ostvariti i lica koja snose troškove dženaze-sahrane za djecu šehida i poginulih branioaca.
- (3) Rami vojni invalidi mogu ostvariti pravo na naknadu troškova dženaze-sahrane samo za članove uže porodice (bračni drug, djeca i roditelji) koji su živjeli sa njim u zajedničkom domaćinstvu, a što se dokazuje uvjerenjem o krctanju za ratnog vojnog invalida i potvrdom o identitetu za umrlo lice.
- (4) Naknada troškova dženaze-sahrane se može odobriti i za članove porodice umrlih ratnih vojnih invalida, koji su ostvarili pravo na porodičnu invalidninu.
- (5) Ukoliko troškove dženaze- sahrane za lica iz člana 1. ovog zakona sa područja Kantona snosi pravno lice troškovi se priznaju u visini stvarnih troškova, a najviše do tri prosječne neto plaće zaposlenih u Federaciji Bosne i Hercegovine iz prethodne godine.
- (6) Ukoliko umrlo lice iz člana 1. ovog zakona sa područja Kantona nema članova porodice odnosno nikoga ko bi snosio troškove dženaze-sahrane, nadležna općinska služba uz osiguranje dokaza o mogućnosti ostvarivanja ovog prava, od ukopnog društva i odgovarajuće vjerske zajednice traži da organiziraju ukop na gradskom groblju, te istim priznaje stvarne troškove dženaze-sahrane.
- (7) Postupak za priznavanje prava iz stava (1) ovog člana se može pokrenuti najdalje u roku od jedne godine od dana smrti lica.

**Član 48.**

(Podizanje nišana - nadgrobno spomenika)

- (1) Svim pripadnicima Oružanih snaga RBiH koji su poginuli ili umrli u toku agresije na Republiku Bosnu i Hercegovinu u periodu od 18.09.1991. do 22.04.1995. godine i ukopani na području Kantona, Kanton će podići nišane-nadgrobne spomenike, u skladu sa idejnim rješenjem jedinstvenog nadgrobno spomenika-nišana za šehide-poginule borce-branitelje, te obezbijediti trajnu zaštitu i održavanje putem Javne ustanove "Fond Memorijala Kantona Sarajevo" (u daljnjem tekstu: Fond Memorijala).
- (2) Izuzetno, mogu se podići nišani-nadgrobni spomenici i za pripadnike Oružanih snaga R BiH iz stava (1) ovog člana koji su ukopani izvan područja Kantona, a prema raspoloživim novčanim sredstvima.
- (3) Članovi porodice poginulih branitelja iz stava (1) ovog člana, koji svojim sredstvima izvrše podizanje nišana-nadgrobno spomenika imaju pravo na naknadu troškova u visini i po dinamici koju utvrdi Fond Memorijala, u skladu sa finansijskim sredstvima.

**Član 49.**

(Korisnici prava na podizanje nišana-nadgrobno spomenika)

- (1) Organizatorima otpora, veteranima, dobrovoljcima, dobitnicima ratnog priznanja i odlikovanja, ratnim vojnim

invalidima bez obzira na stepen invalidnosti, Kanton putem Fonda Memorijala, podiže nišane-nadgrobne spomenike nakon njihove smrti, u skladu sa usvojenim tipiziranim idejnim rješenjem od strane Fonda Memorijala.

- (2) Pravo na podizanje nišana-nadgrobno spomenika imaju i pripadnici oružanih snaga RBiH iz stava (1) ovog člana koji su ukopani izvan područja Kantona pod uvjetom da su bili pripadnici jedinica 1. Korpusa Armije RBiH i ostalih jedinica i komandi čije je sjedište bilo u Sarajevu i da porodica umrlog ima prebivalište/boravište na području Kantona.
- (3) Dobitnicima ratnih priznanja i odlikovanja obezbjeđuje se ukopno mjesto u "Aleji veterana" na groblju Vlaskovo ili na nekoj drugoj lokaciji predviđenoj za ove namjene. Ovo pravo mogu ostvariti i lica iz stava (1) ovog člana pod uvjetima i na način propisan posebnim pravilnikom koji donosi ministar.
- (4) Roditeljima šehida i poginulih, umrlih i nestalih branioaca, kojima je poginulo jedino dijete ili imaju jedno ili više djece koja su nesposobna za privredivanje, Ministarstvo putem Fonda Memorijala, snosi troškove izrade i postavljanja nišana-nadgrobno spomenika do visine sredstava utvrđene za lica iz stava (1) ovog člana.

**Član 50.**

(Pravo dobitnika ratnih priznanja ili odlikovanja na obavještavanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti)

Pravo na obavještavanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti ostvaruju dobitnici ratnih priznanja ili odlikovanja u skladu sa posebnim pravilnikom koji donosi ministar.

**Odjeljak G – Novčana primanja****Član 51.**

(Pravo na mjesečna novčana primanja)

- (1) Dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja i ratni vojni invalidi kojima je priznato pravo na dodatak za njegu i pomoć od drugog lica imaju pravo na mjesečna novčana primanja.
- (2) Pravo iz stava (1) ovog člana ima i nosilac "Partizanske spomenice 1941.", pod uvjetom da je u periodu agresije 1992.-1995. godine, imao neprekidno boravište-prebivalište na području Kantona.
- (3) Osnovica za utvrđivanje iznosa mjesečnog novčanog primanja iz stava (1) ovog člana je prosječna neto plaća ostvarena u Kantonu u prethodnoj kalendarskoj godini.
- (4) Visinu procenta osnovice mjesečnih novčanih primanja iz stava (1) ovog člana, utvrđuje svake budžetske godine Vlada Kantona na prijedlog ministra, a u skladu sa raspoloživim budžetskim sredstvima.

**Član 52.**

(Ostvarivanje prava samo po jednom osnovu)

- (1) Dobitnici ratnih priznanja i odlikovanja koji su ujedno i ratni vojni invalidi kojima je priznato pravo na dodatak za njegu i pomoć od drugog lica, pravo na mjesečna novčana primanja ostvaruju samo po jednom osnovu.
- (2) Pravo na mjesečna novčana primanja iz člana 51. ovog zakona ratni vojni invalidi 100% I grupe kojima je